

Sesel i reste for

*L*annan en sel dirizan a la tet nou Gouvernman e se pa lot ki Prezidan Danny Rollen Faure. An Oktob 2016 i ti aksepte pour kontiny en travay pour benefis Sesel ek tou Seselwa. Prezidan Faure ti konmans son travay lo son stil pour li. I ti entrodwir son bann prensip avek ki i ti oule son gouvernman travay avek. I ti desid lo kalite ki i ti oule war bann anplwaye dan Gouvernman devlope pour zot vin pli efektiv. I'n konsilte e toultan annan en regar pre lo travay e travayer dan sektor piblik. 2an plitar, letan ki gouvernman pe avek sikse delivre, baze lo sa bann prensip e kalite ki Prezidan Faure in entrodwir, ki nou tande?

Nou tann tyermenn FPAC ki osi Lider Lopozisyon pe rod kredi lo travay Prezidan Faure. I pe koz lo en 'smart Government', konmsi li ki'n fer sa gouvernman smart. LDS dan Lasanble ki pas zot letan zis kritik travay sa gouvern-

man. Pil lo bann profesyonnel dan sektor piblik. Zot in memm fer lamars e anmenn en mosyon kont prezidan pandan ki zot in zis koz lo linefikasite gouvernman. La akoz i lannen lavey eleksyon, Ramka a sanz son tyoun e tir ki gouvernman i

efektiv.

Wi, gouvernman i efektiv. Me i efektiv baze lo bon leadership Prezidan Faure. Li ki'n entrodwir bann prensip bonn gouvernans, latransparans ek rann kont. Inital vin fer lipokrizi-

(kont...p2)

(kont...p1)

menm si nou konnen ki politisyen dan lopoziyon in toul-tan parey solda- pour mars dan lakok son prosen.

2an zot in zis imilye, bloke, e sey anmar lanmen sa gouv-vernman- la zot oule pran kredi. Zot in menm blok bann minis ki Prezidan ti'n swazir pour travay avek. Sa ki fer lapenn ek lopoziyon se ki zot napa pider. Zot napa imilite. Zot lakanmizri ozordi i akoz zot ti krwar ki Prezidan Faure pou fel. Me i pa zis pe reisi, i pe reisi konvenk zotmenm ki sa pei pe kontinyen devlope, gouv-vernman pe delivre malgre zot lobstak e ki napa en lot dirizan pour Sesel ki limenm li

-Prezidan Danny Faure.

Prezidan i gard son kon-santrasyon lo son vizyon pour Sesel e Seselwa. I ti met son lekora lo en direksyon an 2016. I pa les personni ni nanryen distrer li lo sa semen ki in pran. Tandis ki LDS si zot pa pe lager pozisyon antre zot, nek zot pe sanz stratezi lo ki fason pour may zanbek Prezidan ek son gouv-vernman. Zot sitan pa konn zot priyorite ki zot pe ziz fason sanze dimoun. Sa ki LDS pa realize se ki zot zanbek pa afekte Prezidan, i afekte Seselwa dan zot lanplwa. I afekte fanmir Seselwa. I afekte zot prop siporter. Gouv-vernman pa Prezidan tou-sel; gouv-vernman se lepep

Seselwa.

Donn zot bal, me laverite pa kapab kasyet. Laverite se ki Sesel pa'n zanmen depan lo lopoziyon. Otan ki en gouv-vernman ki sorti lo platform nou parti i opouvwar, sa pei i kontinyen progrese. Lopoziyon dan sa pei pa zanmen konstrir- zot in zis boykot e kritike pandan 25 an e plis. Lopoziyon i annan tro bokou politisyen voras e egois pour zot travay pour Seselwa. Zot promouvwar zis vyolans, divizyon, laenn e vanzans. E sa pa bann kalite ki anmenn progre ni pour pei, ni pour sa pep. Zot en vre Laginny dan nou zoli pti Sesel.

Mesaz i kler

Travay pour kontinyen devlop sa pei, e rezourd bann problem ki persiste, tel ki pri lavi pankor ni konplete, LDS pe rod kredi. Nou mesaz pour sa pep se arete tonm dan pyez lopoziyon. "Focus" lo pozitivite, lo sa ki meyer pour ou pei ek ou fanmir.

Dan sa ka, kontinyen siporte e met ou kon-

fyans dan Prezidan Faure. I reste angaze dan sa komitman ki in fer avek ou le 16 Oktob 2016.

Prezidan pou adres lepep dan Lasanble Nasyonal atraver son diskour Leta Lanasyon byento.

Lopoziyon pa'n zanmen kapab fer marse en parti politik; i annan parmi zot ki'n menm fer fait en lotel, kimanyer eski zot pou fer marse en pei?